

قرم وفقير

حن لكن حن لا جبت خبره
حب لكن خل حبك بالخير
لو عطيته وجهك أعطاك ظهره
صد عنه ويتبعك مثل الضرير
لا تحاول تكسبه ما تخسره
صير ثلج يصير لك مثل السعير
ما تميل الا الغصون المثمره
وما يسيل من الجروح الا الغزير
من قبل ما تنقهر منه اقهره
قبل لا يستحقرك خلك حقير
اسكنه حرك جموده بعثره
اعشق اكراه عاتب اشره حن غير
انثره للمه.. للمه انثره
صد.. ياخي طير لو تقدر تطير
من متي وانا اتحرى لي مره
تثبت اني لا وقعت اوقع كبير
ابك انا مقطوع من غصن شجره
لا صديق ولا رفيق ولا عشير
بدوي(ن) شيب الصبر شعره
ما عرف ريش النعام ولا الحرير
إن غفا كأن السحاب يدثره
وإن صحن يفرش من الرمضا حصير
ماخذ(ن) من قسوة البید أكثره
ومن شموخ البدو شر(ن) مستطير
جنته صحراء والشوك زهره
والسراب بنظرته مثل الغدير
إن فزع يا مشجعه يا مظفره
من خلقه الله وهو قرم وفقير
كان ما تقدره قل ما تقدره
صير غالي صدق والا لا تصير
الغلا اللي ما تزعزع اهجره
دام قلبك لا يجار ولا يجير
شوف لك رجل(ن) بليد استحقره
واجد اللي يعيشون بلا ضمير
بس انا لو جبت لي مية مره
ما تحرك في شعره لو تطير

حامد زيد

منك العذر وعلي المعذره
لا تحسب حساب هجر ولا هجير
كل ذنب بتذنبه يستغفره
واحد(ن) ما يعذرك ما فيه خير
دور بصدري وطن واستعمره
عندك من الضلع الأول للأخير
عيش فيني وادمر اللي تدمره
واعتذلي واعتبر سرك ف بير
لا تبشرني بجرح وتذخره
لا تعشمني بفرح وتستخير
ولا تنومني بليل وتسهره
ولا تنام الا وانا جفني سهير
خلني مثل النجوم مبعثره
عيش فيني لا شهيق ولا زفير
لا تقول العفو عند المقدره
خل قلبك صلب وحسابك عسير
المسامح والزعل للمبزره
والا انا لاني زعول ولا صغير
ودي ادري ليه للحزن ثمره
ودي اقطف من قساوتك العبير
ودي اجفل من فراقك واحذره
ودي اعرف لو زعلت شيب يصير
لو تقدر خاطري صدق اكسره
لو صحيح تحبني لا تستشير
ازرع بقلبي سبب يستنفره
اثبت انك غير وان الناس غير
شاعرك ما كل بنت تجرجره
حارت ابيه عقول ناس(ن) ما تحير
النسا ما حركوا فيه شعره
ثار عشق وما لقي شي يثير
لو سكت شفت الوقار بمنبره
وان تكلم زمهرير بزمهرير
ما يحضر إلا القلوب مجمره
وما يغيب الا وعشاقه كثير
إن هجرته تستقر بمحجره
وإن تبعت رضاه ما عينت خير
إعشقه لكن بعد ما تقهره
إبتسم له بس لا شفته كسير